

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XX)4

**SOALAN BERTULIS OLEH AHLI KAWASAN BUKIT TENGAH
YB. GOOI HSIAO LEUNG**

4. Sama ada Kerajaan Negeri akan membuat satu inventori kampung-kampung tradisi dan landskap budaya di Pulau Pinang dan Seberang Perai untuk diwartakan dan diperlindungi sebagai kawasan-kawasan pemeliharaan warisan.

**YB. DR. AFIF BIN BAHARDIN
MENJAWAB BAGI PIHAK Y.A.B. KETUA MENTERI**

4. Pada tahun 2017, Kerajaan Negeri melalui PlanMalaysia Pulau Pinang telah menjalankan Kajian Inventori Kampung dengan mengadakan Bengkel Penyelarasan dan Pengemaskinian Semula Maklumat Kampung Negeri Pulau Pinang. Bengkel tersebut turut disertai oleh jabatan dan agensi – agensi negeri bagi mendapatkan maklumat yang lebih menyeluruh. Bengkel tersebut diadakan sebagai kesinambungan kepada Dasar dan Langkah yang digariskan dalam Rancangan Struktur Negeri Pulau Pinang 2020 dan Dasar Perancangan Fizikal Desa Negara. Hasil dari bengkel tersebut telah berjaya mengenal pasti sebanyak 631 buah kampung meliputi keseluruhan kawasan di Pulau Pinang berdasarkan enam (6) kategori kampung yang ditetapkan iaitu kampung tradisional, kampung melayu, kampung tersusun, kampung atas air, kampung baru cina dan penempatan estet. Dapatan kajian menunjukkan sebanyak 151 buah kampung adalah di kawasan pulau dan selebihnya di kawasan Seberang Perai.

Pada masa yang sama juga, Ibu Pejabat PlanMalaysia juga akan menjalankan Kajian Pelan Induk Persempadanan Kampung Warisan pada tahun 2019. Dengan adanya kesinambungan kajian

sedemikian, proses pewartaan kampung sebagai kawasan pemeliharaan warisan dapat dilaksanakan dan bidang kuasa antara Kerajaan Negeri dan Persekutuan dapat dimuktamadkan.